



010000, Астана қаласы, Мәңгілік Ел даңғылы, 14
тел.: 8 (7172) 71 28 68, факс: 8 (7172) 30 18 65
www.prokuror.gov.kz

010000, город Астана, проспект Мәңгілік Ел, 14 тел.:
8 (7172) 71 28 68, факс: 8 (7172) 30 18 65
www.prokuror.gov.kz

22.12.2023 № 2-80-23-00270

**Қазақстан Республикасы
Парламенті Мәжілісінің
депутаттарына
(тізім бойынша)**

Құрметті Парламент Мәжілісінің депутаттары!

Бас прокуратура заңсыз алынған мүлікті қайтару туралы сіздердің депутаттық сауалдарыңызды, оның ішінде Бас прокуратураның тиісті ведомствасының басшысына жолдаған сауалдарыңызды қарады.

Өздеріңіз білетіндей, активтерді қайтарудың негізгі қағидаттарының бірі процеске қатысушылардың құқықтарын, бостандықтары мен мүдделерін қорғаудың заңдылығының басымдығы болып табылады («Заңсыз иемденілген активтерді мемлекетке қайтару туралы» Қазақстан Республикасының Заңының 4-бабы, бұдан әрі қарай – Заң).

Осыған байланысты Бас прокуратураның Активтерді қайтару жөніндегі комитеті (әрі қарай – Комитет) Заңда көзделген барлық шара мен тетікті жүзеге асыра отырып, ұлттық заңнамаға сәйкес қатаң жұмыс істейді.

Комиссияның бірнеше отырысы өтті, бірқатар адам Тізілімге енгізілді, хабарламалар берілді және декларациялар күтілуде.

Активтердің ашылуын күтпей-ақ, Комитет бірінші күннен бастап субъектілер туралы мәлімет жинау бойынша жұмыс жүргізуде, оларды активтерді сатып алу (шығу) көздерінің заңдылығына талдау және тексеру жүргізеді, заңсыз баю белгілері бар нақты істерге бастама жасайды және алға жылжытады.

Сонымен қатар біз жүздеген активтерді, яғни ірі холдингтерді бақылайтын тұлғалар туралы айтып отырғандықтан, Комитет деректердің үлкен көлемімен, соның ішінде шетелдік көздерден алынған деректермен айналысады.

Мәселен, бүгінде Комитет сарапшыларының зерделеуінде субъектілер мен олардың үлестес тұлғаларының 250 мыңға жуық банктік операциясы бар.

Заң бойынша шаралар қабылдаумен қатар, бұрын басталған іс-шаралар жалғасуда.

Бүгінде мемлекетке 950 миллиард теңгеден астам активтер қайтарылды («Қазақстан халқына» қорына аударылған ақшаға қатысы жоқ).

Сіздер көтерген ұйымдастыру және басқа да мәселелер бойынша келесіні хабарлаймыз.

Комитеттің штат саны 50 бірлікті құрайды.

Жедел кадрлық және материалдық-техникалық қамтамасыз ету тиісті ведомстваға өзінің негізгі функцияларын бірден дерлік орындауға кірісуге мүмкіндік берді.

Комитет барлық құқық қорғау, арнайы мемлекеттік және уәкілетті органдармен белсенді өзара іс-қимыл жасайды.

Жұмыс шетелдік юрисдикцияларға қатысты мәселелерге (сұраныс бағыты, шетелдік мүдделі тараптармен байланыс және т.б.) сәйкес құрылымдалған, тартылған жұмысшылардың барлығы дерлік осымен айналысады.

Халықаралық-құқықтық ынтымақтастықты жалпы қолдауды 4 қызметкерден тұратын мамандандырылған басқарма қамтамасыз етеді.

Активтерді қайтару жөніндегі іс-шаралар заңмен қорғалатын құпияны сақтаудағы шектеулерді ескере отырып, бұқаралық ақпарат құралдарында үнемі жарияланады.

Комитет БАҚ өкілдерінің ондаған сұрақтарына жазбаша жауаптар мен түсініктемелер берді.

Үкімет пен Бас прокуратура басшылығы «Хабар» және «Qazaqstan» телеарналарында активтерді қайтару процесінің ең өзекті аспектілері туралы арнайы сөз сөйледі.

Соңғы мысалдар, Комиссия мүшесі, Парламент Мәжілісінің депутаты, сондай-ақ Қаржы және бюджет комитетінің басшысы Мәди Такиевтың «Время» (13.12.23ж.) газетіне және «Kazinform» ХАА-ға (18.12.23ж.) берген сұхбаттары.

Нақты субъектілер мен объектілерге қатысты шараларды тиімді ілгерілетуге баса назар аудара отырып, БАҚ қолдауы күшейтілетін болады.

Парламенттік бақылауға келетін болсақ, ең алдымен заң шығарушылар алдындағы есеп беру Парламенті Мәжілісі мен Сенатының депутаттары комиссиясы жұмысына қатысу арқылы қамтамасыз етіледі.

Сонымен қатар біз депутаттық корпуспен норма шығару мәселелерінде ғана емес, жалпы заңсыз алынған активтерді мемлекетке қайтару жөніндегі шаралар кешені аясында өзара іс-қимыл жасауға бағытталғанбыз.

Осы мүмкіндікті пайдалана отырып, жекелеген тұлғалар мен компанияларға қатысты берілген ақпарат үшін алғысымызды білдіреміз. Ол тиісті ведомствоның қызметінде ескерілетін болады.

**Қазақстан Республикасының
Бас Прокуроры**

Б. Асыллов

Қазақстан Республикасы Мәжілісі Парламенті депутаттарының тізімі:

1. Бапи Ермұрат Сейтқазыұлы
2. Иса Қазыбек Жарылқасынұлы
3. Құспан Абзал Темірғалиұлы
4. Қасқарауов Данияр Алдабергенұлы
5. Сарым Айдос Әміроллаұлы